



Inatsisartuni ilaasortaq
Malik Berthelsen, Siumut

**Akitsuutit allangortinneqarnissaat pillugu Pisiffimmit allakkat pillugit § 37 naa-
pertorlugu apeqummut nutaamut akissut**

22. jun 2011
Sagsnr. 2011-049314
Dok. Nr. 663182

Asasara Malik Berthelsen

Postboks 1037
3900 Nuuk
Tlf. (+299) 34 50 00
Fax (+299) 32 46 14
E-mail: oed@nanoq.gl
www.nanoq.gl

Pisiffiup, Brugsenip Pilersuisullu imigassat aalakoornartumik akukitsut akitsuutaasa al-
langortinneqarnissaannik siunnersuutaat pillugu Naalakkersuisunut saaffiginnissutaat
pillugu malitseqartitsillutit apequtinnut qujanaq.

Aperivutit, saaffiginnissut qanoq nalilerneriga. Siunnersuutigineqartoq soqutigintippa-
ra, nalilerluguli, pisiniarfiutileqatigiit siunnersuutaat Naalakkersuisut tullissaanik nunat-
sinnut nioqqutissanik akileraaruteqanngitsunik eqqussuinermit Inatsisartut inatsisaata
allangortinneqarnissaannik Inatsisartut inatsisissaattut siunnersuuteqalersaalissappata,
tamanna siunnersuummik suliaqarnermut atatillugu ilaatinneqartariaqartoq.

Ilisimatitsissutigisinnaavara, maannakkut taamaasiortoqarnialersaartoqanngimmat.

Ilangullugu aamma ilisimatitsissutigisinnaavara, Naalakkersuisuni ilaasortaasimasup
Aleqa Hammondip kiisalu Naalakkersuisuni ilaasortaasimasup Per Berthelsenip Kalaallit
Nunaanni Sulisitsisut Peqatigiiffiat pissutsit assigusut pillugit oqaloqatigisimammassuk.
Marluullutillu uattut isumaqarsimasut.

Inussiarnersumik inuulluaqqusillunga

Maliina Abelsen

Aningaasaqarnermut Naalakkersuisoq